

現代生活藝術系列

華嚴經疏論纂要 11

— 世主妙嚴品之十

華藏淨宗學會印贈

大方廣佛華嚴經疏論纂要卷第十一

五臺山清涼國師澄觀疏鈔

太原方山長者李通玄論

閩鼓山私淑比丘道需纂要

世王妙嚴品第一 之十

○第七金燄菩薩頌。歎佛十力功德。一頌一力。下諸經文。屢明十力。是佛不共之德。佛佛等有。菩薩緣此發心。梵行品云。復應修習。一一力中有無量義。悉應諮問。故不可不知。然大般若五十三。顯揚第四。對法第十四。廣辨。今畧以七門分

別。一立意。二釋名。三自性。四作業。五次第。六差別。七釋文。今初立意者。智論意云。顯佛大人有真實力。令外道心伏。二乘希向。菩薩做之。能成辦大事。終獲其果。故須辨之。如來唯一諸法實相智力。此力有十種用。故說爲十。謂於十境皆委悉正知故。由時品類相續分別。有無量力。度人因緣故。但說十。足辦其事。謂以初力。知可度不可度。次業力。知有障無障。以定力。知味著不味著。以根力。知智多少。以欲力。知所樂。以性力。知淡心所趣。以至處力。籌量衆生解脫門。以宿

命力。分別先所從來。以生處力。分別生處好醜。以漏盡力。知衆生得涅槃。佛以此十。度生審諦。故但說十。第二釋名。初總。後別。今初總名力者。能摧冤敵義。不可屈伏義。故說名力。瑜伽云。與一切種饒益。一切有情功能具相應故。畢竟勝伏一切魔。冤大威力故。說名爲力。對法云。善除衆魔。善記問論。故十名力。十者是數。帶數釋也。別名至文當釋。三自性者。統其文義。應具六種。一最勝體故。決擇分中。慧根爲性。二引生體。對法兼定。三剋實體。菩薩地云。五根爲性。由慧勝。

故。且說十力。慧爲自性。所以但言處非處等智
力。不言信進等力。四相應體。對法兼取相應心
法。四蘊爲性。五眷屬體。五蘊爲體。定其道共。無
漏色等。助爲體故。此雖無文。理必應是遮犯戒
垢。助摧寃故。六依此經。融一切法以爲其性。無
礙法界。理應爾故。四作業者。卽是辨相。至文當
顯。五次第者。諸文或有前卻。各有所由。此文所
列次第。與十住全同。淨行品。則界在解前。梵行
品。禪定解脫當其第三。宿命居天眼之後。餘同
此次。六差別者。爲此十力。展轉相望。亦有差別。

亦無差別。至文當明。七釋文然。此經宗異。義皆融攝。故一一力中。具攝十力。乃至包盡法界。是以宿命。乃云智包三世。天眼。則見盡法界。非唯見盡佛眼如空。卽是法界。非唯智包。亦能毛孔頓現業力。卽觀法性。豈惟但是有爲。約門有殊。故他宗不壞。

爾時金燄圓滿光菩薩摩訶薩。承佛威力。普觀一切道場衆海。卽說頌言。

佛昔修習菩提行
處與非處淨無疑

於諸境界解明了
此是如來初智力

〔疏〕第一偈。卽處非處智力。謂善因樂果。斯有是處。善因苦果。無有是處。惡因苦果等。例上可知。處者。建立義。依義起。義能建立果。與果爲依。能起果法。故立處名。於此正知。故名智力。鈔第一偈下。一釋名。卽因果相當。名之爲處。若不相當。名爲非處。其作業者。卽如實知因之與果。及能降伏無因惡因。種種諍論。旣徧知已。可度者。度不可度者。爲作因緣。文中上半在因。下半顯智力。於諸境界。正解明了。卽辨此力。通知一切法也。

如昔等觀諸法性

一切業海皆明徹

如是今於光網中

普徧十方能具演

疏第二偈。卽過未現在業報智力。瑜伽名自業智力。今言一切業者。謂於三世中善等三業。及順現等。皆名自業。於自所作受用果業。如實知故。與初何別。若正了知所造善等業。感慶等果。此由初力。若了能造善惡等業。感慶等果。是自業力。文中上半往因。下半現果。鈔與初何別下。次辨差別也。初了。云何能所謂以人望業。已殺等竟。此殺等業。必招於果。名爲所造。此人若行於殺。必墮地獄。此名能造。卽上自業。各隨善惡而感果故。卽是作業。

往劫修治大方便

隨衆生根而化誘

普使衆會心清淨

故佛能成根智力

〔疏〕第三偈。卽根勝劣智力。謂信等五根。此輒中上。名爲勝劣。於此正知。及能於彼如應如宜。爲說正法。卽是作業。偈中三句。徃因。一句。今果。

如諸衆生解不同

欲樂諸行各差別

隨其所應爲說法

佛以智力能如是

〔疏〕四卽種種解智力。亦名勝解。謂若從他起信。以爲其先。或觀諸法。以爲其先。成輒中上。愛樂。名種種勝解。亦名爲欲。欲爲信喜好樂。如或貪財利。或好名聞。好定。好慧。種種不同。如來正知。令捨不淨。增長於淨。此與前根何異。根約宿成。智有多少。解

約現起好樂不同論云。若照諸根爲先。彼彼法中
種種意樂。是根智力。若正分別意樂差別。是解智
力。在文可見。鈔此與前根下三辨差別。此有二解。
一約宿現起別故。智論云。以二種欲
作上下根因緣。故十地論中。別歎根欲。如有根無
欲。能解不樂。有欲無根。雖聞不解。二論云下。卽
伽揀依根起樂。卽是根力。
正分別欲樂。卽名解力。

普盡十方諸刹海

所有一切衆生界

佛智平等如虛空

悉能顯現毛孔中

疏五卽種種界智力。界卽性也。謂或一一三三四五
乘性等。或貪嗔癡等分行等。乃至八萬四千行名
種種性。性卽種子。解卽現行。偈云。悉能顯現毛孔

中者謂非唯佛智如空。包納衆生之性。毛孔內空亦現衆生之界耳。鈔謂非唯佛智者。此有二種。超勝之相。尋常界力。但以佛智能知。能所不同。今云佛智平等。如虛空。則衆生之界。皆是如來智中之物。此爲一勝。二者智能包納。猶是智類。今毛孔頓現。則細色能收。良以色性智性融無礙故。以性融相爲華嚴宗之界力也。

一切處行佛盡知

一念三世畢無餘

十方刹劫衆生時

悉能開示令現了

疏六卽一切至處道智力。論名徧趣行智力。徧卽一切趣卽至也。行卽道也。謂諸衆生種種所行。若出離行。不出離行。各能至果。如行有漏行。生五道中行無漏行。至涅槃果。名徧趣行。初力處對非處。

此中但明至處。又初力指因爲得果之處。此約果是酬因之處。故不同也。經中初句總標。次一念卽能知迅速。下十二字所知時處。後一句委悉開示。禪定解脫力無邊。三昧方便亦復然。

佛爲示現令歡喜

普使滌除煩惱暗

疏七卽禪定解脫三昧智力淨行品中。加於染淨通漏無漏故。佛皆善知。及知依此所得諸果。故名智力。偈中上半所知。下半善用。言佛爲示現者。示其諸定。現三神變。令有情喜。使滌煩惱。卽令去染。而得清淨。

佛智無礙包三世

刹那悉現毛孔中

佛法國土及衆生

所現皆由隨念力

〔疏〕八卽宿住隨念智力。謂過去境本生本事。住宿

世故。名爲宿住。於此宿住而起隨念。念俱行智。名

宿住智力。瑜伽云。若知前際。隨念一切趣。因是徧

趣力。若知前際。名姓苦樂等事。名宿住力。鈔八宿住方中。

初釋名。兼顯作業。瑜伽云。下辨差別。謂有問言。宿住智中。知彼修因。則與徧趣何異。答中有三。初依

瑜伽正答。謂唯知因。是徧趣行。兼能知果。卽宿住

攝。名姓苦樂者。瑜伽知過去所有自體。有八言說

句。一如是名。二生類。三種姓。四飲食。五受苦樂。六長時。七久住。八壽量邊際。今但列三等。取餘五
文中初句標能念智包三世者。三世全在佛智之

中。况於隨念。不知三世。從門別故。但云宿住剎那。悉現卽包現之時。極促現毛孔中。卽能現之處。至微第三句。卽所現所念之事。廣第四句。結歸智力。非唯能念亦能現也。

佛眼廣大如虛空

普見法界盡無餘

無礙地中無等用

彼眼無量佛能演

〔疏〕九天眼智力。獨此從所依以立名也。若從境者。瑜伽名生。死智力。謂死此生彼。墮善惡趣。大小好醜。皆能正知。知前際生。死。名爲宿住。要知後際。得此力名。今文乃云佛眼者。若約五眼。餘眼在佛皆

佛眼故。此非經宗。今依十眼。佛眼能見如來十力故。故此一力。卽攝十力。舉一爲例。餘九皆然。鈔五眼。如離世間品。文中初句體大。次句用廣。次句用勝。以無等故。後句結其甚深。故唯佛能演。旣言普見法界。非局未來。約宗別故。於未來門。普見法界也。

一切衆生具諸結

所有隨眠與習氣

如來出現徧世間

悉以方便令除滅

疏十漏盡智力。於自解脫。無惑無疑。亦知衆生漏盡涅槃。於此正知。名爲智力。文中初二句所斷。諸結卽現行。隨眠卽種子。習氣卽餘習。一乘不能盡。

習亦不能盡他漏。故不名力。後半顯佛能滅。

鈔文
中下

一釋文以漏盡無濫。故不辨差別。餘習有四。謂貪
瞋癡慢。貪習如迦留陀夷。瞋習如身子。癡習如周
利槃特。慢習如畢陵伽婆蹉。曾無教說。見
疑習。疑見有習。不見理。故通說或有耳。

然上十

力。智卽是體力。卽是用。然智卽力。更無別性。然此
十力。望於自事。各於自事中大。如水能淨。如火能
燒。各有自力。若約總攝。初力爲大。若約辦得。涅槃
漏盡爲大。若以無礙解脫而爲根本。則平等平等。

○第八法界頌中。歎佛往修十度。行滿今得果圓。
爾時法界普音菩薩摩訶薩。承佛威力。普觀一切道。

場衆會海已。卽說頌言。

佛威神力徧十方

廣大示現無分別

大菩提行波羅蜜

昔所滿足皆令見

疏十一頌分二。初一總。餘十別。今初也。佛威神力

畧有三類。一者俱生力。謂風不動衣等。二者聖威

力。謂通明等種種功德。三者法威力。謂波羅密圓

滿法力。鈔佛威神力者。即當瑜伽二十七中。彼有

俱生威力。次又云。復有五種。一。神通威力。二。法威

力。三。俱生威力。四。共二乘威力。五。不共二乘威力。

彼廣釋相。今疏引三。不依彼次。及至釋文。二處參

用。風不動衣等。即五中俱生。俱生有多。謂佛菩薩

常右脇臥。如師子王。雖現安處草葉等。蓐。一。脇而

臥。曾無動亂。一切如來。應正等覺。雖現睡眠。而無

轉側。大風卒起。不動身衣。行如牛王。步如

獅子等。今但云風不動衣等。等取餘事。

令五根

中無諸非淨。四支百節。有無量力。故名堅固。不可壞。法身常身無邊之身。言徧十方者。卽無邊身。廣大示現。謂變化身。無分別者。平等智身。大菩提行者。波羅密身。昔所滿足者。衆行先成。皆令見者。大果今出。鈔令五根下。辨其果相。彼法威力中。諸度益自他。第四辨果。果各不同。施得大財寶。朋黨眷屬。戒生人天。忍臨終之時。心無憂悔。生於天界。進得愛樂殊勝。士夫功業。定得神通。生淨慮天。慧果能離煩惱。所知二種重障。上。瑜伽中。多是近果。又是別明。今是究竟之果。又是總明。無諸非淨。卽離繫果。百節有力。是施等果。堅固不壞。是戒度果。故替眼長者。以十度因。成十身果。一有十頌。別顯。一徧十方下。疏以經文。會上果義。二有十頌。別顯。一頌一度。皆上半往修因。下半今得果。十度之義。十

行十地。一經始末。亦多辨之。須麤識其相。畧啓十門。一釋名。二出體。三辨相。四建立。五次第。六相攝。七修證。八約教。九觀心。十釋文。今初又二。先通名。後別稱。今初通稱波羅密多者。唯識云。要七最勝之所攝受。方可建立波羅密多。一安住最勝。謂要安住菩薩種性。二依止最勝。謂要依止大菩提心。三意樂最勝。謂要慈愍一切有情。四事業最勝。謂要具行一切事業。五巧便最勝。謂要無相智之所攝受。六迴向最勝。謂要迴向無上菩提。七清淨最勝。謂要不爲二障間雜。卽三時無悔。若七隨闕。非

到彼岸。故此十度。應各四句分別。其別稱及出體。

三辨相至文當釋。二時無悔者。此乃大乘法師釋。論意也。悔卽煩惱。由不了故。卽是所知。又卽此悔心障於眞智。亦所知也。四句分別者。一是施非度。不與七勝相應。施故。二是度非施。隨喜他施。具七勝故。三亦施亦度。具七勝故。四非施非度。隨喜他施。不與七勝共相應故。

四建立者。爲十地中對治十障。證十眞如。故但有十。

爲對六蔽。漸修佛法。漸熟有情。故但說六。六中前三。

三增上生道。感大財體及眷屬故。後三決定勝道。

能伏煩惱。成熟有情。及佛法故。又前三饒益有情。

施財不惱。忍彼惱故。後三對治煩惱。勤修加行。永

伏永滅故。又由前三故。不住涅槃。由後三故。不住

生。成。能。為。無。任。涅。槃。資。糧。後。唯。四。者。助。六。令。滿。方。
 便。助。前。三。願。助。精。進。力。助。靜。慮。智。助。般。若。如。深。密。
 說。五。次。第。者。謂。由。前。前。引。發。後。後。及。由。後。後。持。淨。
 前。前。又。前。前。麤。後。後。細。易。難。修。習。次。第。如。是。五次
此曲有四。謂由前前下。即初引發門。謂由行施引
發持戒。由持戒故。引發忍等。二攝持門。布施本欲
益他。持戒不惱於彼。彌令施淨等。故云及由後後
持淨前前三粗細門。布施則粗持戒則細。戒望於
忍。戒則為粗。忍則為細等。故云前前粗。後後細。前
九竝為前前。從戒至智。竝名後後。一相望。故致
重言。初一唯前後。一唯後中間。八度。適為前後。四
難易門。亦結通上三也。上之四門。竝如瑜伽對法
所辨。六相攝者。此十。一一皆攝一切波羅密多。互相
 順。故。般。若。論。云。檀。義。攝。於。六。資。生。無。畏。法。等。資生無畏

法等者。等取下半云。此中一二三。名爲修行住。謂
 施有三種。一財。二無畏。三法施。財卽資生。正是檀
 度。故云此中一也。無畏攝二。謂尸不惱彼。忍受彼
 惱。皆無畏相。故云二也。法施攝三。謂進定及慧決
 定。勝道漸熟。佛法是法施相。故云三也。卽十八住
 中修行住也。今此經文。乃會釋今意。是圓教故。非
 唯要約相順相類。以理融。故法爾一攝一切行也。

七修證者。五位通修。佛
 方究竟。十約因位。總有三名。謂初無數劫。施等努
 力尙微。被煩惱伏。但名波羅密多。第二劫去。勢力
 漸增。能伏煩惱。名近波羅密多。第三僧祇。勢力轉
 增。能畢竟伏一切煩惱。名大波羅密多。故上下文
 中。屢言廣大波羅密也。八約教者。諸教可思。此教
 要須一一融攝。徹果該因。

八約教者。謂小乘不成。波羅密多。無七最勝故。

始教要是菩薩種性人方有故。又各有體性。或說俱空。終教一一皆從真如性功德起。頓教一一皆不可說。謂不施不慳不戒不犯。不忍不恚不進不怠。不定不亂。不智不愚等。一切皆絕。若十若六。皆悉亡言。圓九觀心者。可以意得。九觀心者。謂一念教如文。度捨而不取。謂施不為過。非所汗。即戒忍。可非有為忍。離身心相為進。寂然不動。為定。決了無生。為慧。雖空不礙。知相為方便。希齊佛果。是願。思擇不動。為力。決斷分明。為智。一念方等。十度頓圓。縱七最勝。亦在一念。可以思準。欲令行者。即之於心。是故結云。可以意得。

昔於衆生起大悲

修行布施波羅蜜

以是其身最殊妙

能令見者生歡喜

〔疏〕十釋文中。第一偈明施度。輟亡惠人名之為施。即以無貪及所起三業而為其性。此有三種。謂財。

法無畏。

鈔十釋文中。一。一偈疏。多皆有四。一釋名。二出體。三辨相。四釋文。唯識併在一處。出

體。謂施以無貪及所起三業為性。戒以受學菩薩

戒時三業為性。忍以無嗔精進審慧及彼所起三

業為性。精進以勤及所起三業為性。靜慮但以等

持為性。後五皆以擇法為性。謂是根本後得智故。

辨相亦併居一處。今隨文配屬。以相曠易了耳。即

以下出體。無貪。即善十一中一法。要由無貪相應

思於自身財。方能惠捨。然三施體。大意多同。上半因中。大悲行施。已該

此三。此悲亦是七最勝中前三最勝。下半果中。財能資身。無畏益心。法資法身。故得果身。身最殊妙。三皆悅物。故見者必喜。亦由具七最勝。故身殊妙也。

昔在無邊大劫海

修治淨戒波羅蜜

故獲淨身徧十方

普滅世間諸重苦

〔疏〕二戒度防非止惡名之為戒。即受學菩薩戒時

三業為性。戒有三種。律儀攝善得淨身果。攝眾生

戒。能除物苦。徧十方者。無作戒身等眾生故。戒中

初名防其未非。止已起惡故。即受學下。次出體。大

論律儀以七眾別解脫戒。在家出家戒為體。即唯

二業。謂表無表。不說語故。若攝善法戒者。謂諸菩

薩受律儀後。一切所作。為大菩提。由身語意。積集

諸善。以為其體。今疏通三聚。及與受隨。故云三業

攝眾生戒。居然通三戒。有三種下。三釋文。即當辨

相律者。法律儀者。儀式於不善法。而能遠離。及防

護故。故攝論名。為依持戒。依是能。有集諸佛法。無

往昔修行忍清淨

信解真實無分別

是故色相皆圓滿

普放光明照十方

〔疏〕三忍者。堪受諸法。未能忘懷。名之為忍。此約生

忍。又忍即忍可。忍即是慧。雙忍事理。即以無瞋精

進審慧及彼所起三業為性。忍亦有三。謂耐怨害

忍。安受苦忍。諦察法忍。鈔即以下。出體無瞋。精進。即善十一。中二。審慧。即別

境五中慧。所以有此三者。大論云。自無憤勃。不報

他怨。亦不隨眠。流注相續。是名菩薩耐怨害忍。即

以無瞋及三業為性。若安受苦忍。即精進三業為

性。若諦察法忍。即審慧三業為性。故此三業。通於

其二。故有三耳。偈云。信解真實。即諦察法也。色相

圓滿前二忍果。放淨光明。第三忍果

往昔勤修多劫海

能轉衆生深重障

故能分身徧十方 悉現菩提樹王下

〔疏〕四精進。練心於法。名之爲精。精心務達。目之爲

進。以勤及所起三業爲性。亦有三種。一被甲。二攝

善。三利樂。〔鈔〕被甲。卽大誓願。攝善。卽方便。進趣利樂。卽勤化衆生。初句通前

二。以被甲精進。瑜伽釋云。設千大劫爲一日夜。處

於地獄。爲脫一衆生故。次句卽第三。下半通三果

也。因旣離身心相。故果能身徧十方

佛久修行無量劫 禪定大海普清淨

故令見者心歡喜 煩惱障垢悉除滅

〔疏〕五禪那。梵云禪那。此云靜慮。卽以等持爲性。亦

有三種。謂安住。引發。辦事。鈔五禪中。初釋名。靜揀散心。慮揀無慧。止觀均故。卽以下。二出體。卽三摩地。雖是別境心所之一。今約定說。不通散心。故不說三業。對法論云。起三業自在用時。所有一切種。常安住。卽通三業。以約用故。亦有二種。下。三辨相。言安住者。安住現法樂住。故無性云。離見慢等。得清淨故。言引發者。引神通故。言辦事者。辦利有情事故。 旣引起神通。辦利生事。故見者深喜。現法樂住。諸惑不行。又資慧斷惑。故見者惑滅。

如來徃修諸行海

具足般若波羅蜜

是故舒光普照明

克殄一切愚癡暗

疏六般若者。般若梵言。此翻為慧。推求諦理。名之慧也。此及後四。皆擇法為體。亦有二種。一。生空無

分別。二法空無分別。三俱空無分別。攝論以加行
正體。後得。爲三。約六度說。瓔珞以照有照無及照
中道而爲三者。惟約法空三觀之義。至下當明。此
及下。二出體。以後五體同故。故唯識云。後五皆以
擇法爲體。說是根本。後得智故。意云。以根本智爲
第六體。後之四體。皆
後得故。此依勝說。慧導萬行。故云修諸行海。言

具足者。具上三也。因如有目。故果獲身智二光。能

滅諸闇。慧導萬行。行下。四釋文。謂萬行不得般若。若照
體空寂。不成彼岸。故因如有目者。智度論

云。五度如盲人。般若。若如有眼。故見夷途。開
導萬行。御心中道。至一切智城。卽其義也。

種種方便化衆生

令所修治悉成就

一切十方皆徧徃

無邊際劫不休息

疏七方便者。卽善巧也。方謂方法。便謂便宜。下四
 但各二種。今初。謂迴向方便。拔濟方便。鈔今初下。謂由大智故。迴前六度向大菩提。由大悲故。迴前六度。拔濟有情。故無性云。不捨生處而求菩提。
 文云。種種化生。則拔濟善巧。所修成就。兼於迴向
 菩提。所化無邊。果得十方。而橫徧。爲物取果。豎窮
 來際。而不休。

佛昔修行大劫海 淨治諸願波羅蜜

是故出現徧世間 盡未來際救衆生

疏八願者。卽希求。要誓。有義。以欲。勝解。及信。爲性。
 亦有二種。謂求菩提願。利樂他願。鈔有義下。次出體前。雖總出此。

一有異。故復別用此三爲性。二法正是願之性。故謂願者希求。希求卽欲。要於前境。正信印持。方希求。故其後得智。但是所依。依此起願耳。由初願故。出現世間。由後願故。救生不息。

佛無量劫廣修治

一切法力波羅蜜

由是能成自然力

普現十方諸國土

〔疏〕九力者。不可屈伏故。隨思隨修。任運成就。亦有二種。謂思擇。修習。今言法力。卽思擇諸法。而修習故。攝論由此二力。令前六度。無間現前。經云。成自然力。卽無師而成。不習而無不利。何能壞哉。

佛昔修治普門智

一切智性如虛空

是故得成無礙力

舒光普照十方刹

〔疏〕十智度。決斷名智。謂如實覺了。亦有二種。謂受用法樂智。成熟有情智。無性論云。由施等六。成此智。復由此智。成立六種。名受法樂。由此妙智能正了知。此施戒等。饒益有情。鈔亦有下。次辨相。此相論本論。但云。謂由前六。成立妙智。受用法樂。成熟有情。若天親云。由般若波羅密無分別智。故成立後得智。復由此智。成立前六波羅密多。由此自經爲。與同法者。受用法樂。成熟有情。大意亦同也。云。普門智。總含二智。別配卽初句。成熟有情。次句卽受用法樂。此二無二。故成無礙力。舒光普照

○第九雲音頌。述菩提樹摩尼果中。歎佛往修十

地行果

爾時雲音淨月菩薩摩訶薩承佛威力普觀一切道場衆海卽說頌言

神通境界等虛空

十方衆生靡不見

如昔修行所成地

摩尼果中咸具說

〔疏〕十一頌分二。初一總舉。謂佛果大用由昔地行及結說處。餘十次第各述一地。地義當品廣明。今皆畧述而已。

清淨勤修無量劫

入於初地極歡喜

出生法界廣大智

普見十方無量佛

疏初地畧述四義。一。加行多劫。諸論皆說地前爲
 一。僧祇。已爲無量。更有異說。恐厭繁文。二。標入地
 名。三。出生廣智。謂生如來家。見法實性。得妙觀察
 平等性智故。四。普見佛海。同下願智果中。鈔恐厭
繁文者
 謂仁王下卷奉持品說。伏忍下中上。下忍初賢一
 僧祇。中忍次賢兩僧祇。上忍亞聖三僧祇。初地四
 僧祇。故地前已經三阿僧祇。經中多說三阿僧祇成
 佛者。以下中忍位菩薩相隱。上賢之位菩薩相顯。
 所以特言經三僧祇。地前菩薩。二乘聖者見初入
 地。皆謂究竟。故說三祇成等正覺。亦佛隨宜。故寶
 雲經云。實經無量阿僧祇劫。華藏品初。當更會釋。
 得妙觀察者。由破分別我執第七不與四惑相應。
 成平等性。已證真如。於多百門。已得自在。成妙觀
 察。未捨異執識體。不得大圓鏡智。異執既存。眼等
 五根。是異執生故。亦未得成所作智。此二直至佛

果方
得

一切法中離垢地

等衆生數持淨戒

已於多劫廣修行

供養無邊諸佛海

〔疏〕二地四義。一舉法標名。二別地行相。三修行時

分。四供佛多少

積集福德發光地

奢摩他藏堅固忍

法雲廣大悉已聞

摩尼果中如是說

〔疏〕三地四義。一舉法標名。世間中極。云積福德。二

修諸禪定。三忍度偏多。四聞持廣博。鈔世間中極者。前三地寄

同世
間故

燄海慧明無等地

善了境界起慈悲

一切國土平等身

如佛所治皆演暢

〔疏〕四地四義。一歎慧標名。世無等故。二了道品境。

異凡夫故。三起慈悲。異小乘故。四淨身土。離身見

故。鈔離身見者。寄出世初。同須陀洹故。又初地斷分別身見。四地斷俱生身見故。

普藏等門難勝地

動寂相順無違反

佛法境界悉平等

如佛所淨皆能說

〔疏〕五地四義。一標入地。謂積集福智。故云普藏。十

平等心。故曰等門。二標地名。三真俗極達。會令相

順。四諦法俗境無不等觀。鈔十平等心者。二十六經入五地。有十心。一於

過去佛法平等清淨心。一未來。二現在。四戒。五心。六除見疑悔。七道非道智。八修行智見。九於一切菩提分法。上上觀察。十教化一切衆生。皆有平等清淨心。四諦法俗境界者。良以十重觀四諦故。四地出世。五地卻入。云觀俗境界。

廣大修行慧海地

一切法門咸徧了

普現國土如虛空

樹中演暢此法音

〔疏〕六地有四。一歎行。二標名。三正顯行相。卽了緣

起法。四明地用。得十空三昧故。〔鈔〕得十空三昧者。卽六地末云

周徧法界虛空身

普照衆生智慧燈

一切方便皆清淨

昔所遠行今具演

〔疏〕七地有四。一先標果用。二照達羣機。三雙行巧

攝四寄行標名

一切願行所莊嚴

無量刹海皆清淨

所有分別無能動

此無等地咸宣說

〔疏〕八地四義。一別地行相。二明淨土果。三畧釋地

名。四歎地結說

無量境界神通力

善入教法光明力

此是清淨善慧地

劫海所行皆備闡

〔疏〕九地四義。一標地作用。二善達教法。三標示地

名。四廣行多劫

法雲廣大第十地

含藏一切徧虛空

諸佛境界聲中演

此聲是佛威神力

〔疏〕十地有四。一標起地名。二含藏法雨。三能蔽如空。羸重。四深廣難測。故云佛境。諸偈多有結說。文竝可知。

○第十善勇猛菩薩十頌

爾時善勇猛光幢菩薩摩訶薩。承佛威神。觀察十方。卽說頌言。

〔疏〕文分爲三。初一總顯。次八別明。後一結歎歸佛。一一頌中。各有四義。

無量衆生處會中

種種信解心清淨

悉能悟入如來智

了達一切莊嚴境

〔疏〕今初總歎佛。令物悟入福智。有四義者。一多衆。二心異。三悟智。四了福。莊嚴卽福也。亦通二嚴。皆佛令爾。故顯衆德。卽爲歎佛。

各起淨願修諸行

悉曾供養無量佛

能見如來真實體

及以一切諸神變

〔疏〕別中。一見佛體用。亦四義。一起願。二具行。三見體。四見用。

或有能見佛法身

無等無礙普周徧

所有無邊諸法性

悉入其身無不盡

〔疏〕二見法身。一勝故無等。二淨故無礙。三大故周徧。四深廣故包含。

或有見佛妙色身

無邊色相光熾然

隨諸衆生解不同

種種變現十方中

〔疏〕三見佛色身。一色妙。謂如金等。二相具。十華藏相等。三光盛。謂常放等。四隨機變。謂二尺無邊等

或見無礙智慧身

三世平等如虛空

普隨衆生心樂轉

種種差別皆令見

〔疏〕四見佛智身。一無礙。真俗無礙故。二等空。稱法性故。三知根。四巧現。

或有能了佛音聲

普徧十方諸國土

隨諸衆生所應解

爲出言音無障礙

〔疏〕五了佛音聲。一音替徧。二說應器。三言同類。四

應無礙

或見如來種種光

種種照耀徧世間

或有於佛光明中

復見諸佛現神通

〔疏〕六見佛光明。一多種。二徧照。三見佛。四現變

或有見佛海雲光

從毛孔出色熾然

示現徃昔修行道

令生深信入佛智

〔疏〕七見佛毛光。一顯光名。二明出處。三示徃因。四

令信悟

或見佛相福莊嚴

及見此福所從生

往昔修行諸度海

皆佛相中明了見

〔疏〕八見佛福相。一見福相。二了福因。三示因體。四

明見處

如來功德不可量

充滿法界無邊際

及以神通諸境界

以佛力故能宣說

〔疏〕後一結歎德廣。一數多。二深廣。三用普。四結說。

謂推功歸佛。謙已無能。上來總明第八大段座

內衆流竟

○大科第九天地徵祥。謂動地興供。卽是顯證。上來佛成正覺。衆海雲集。各申慶讚。顯佛高深。而下稱機情。上協佛願。故世主爲之興供。天地爲之呈祥。就文分二。先動地。後興供。今初。

爾時華藏莊嚴世界海。以佛神力。其地一切六種十八相震動。所謂動。徧動。普徧動。起。徧起。普徧起。踊。徧踊。普徧踊。震。徧震。普徧震。吼。徧吼。普徧吼。擊。徧擊。普徧擊。

〔疏〕文中三。一動處。二動因。三動相。今初。自陞之寬。且云華藏約下結通實周法界。鈔自陞之寬者。娑婆爲陞。華藏爲寬。

也。諸天重重。竝華藏之內。故云其地何所不該。諸

重重下。通妨難。難云。既言華藏地動。華藏之地。乃

在大蓮華地面。今娑婆界。當第十三重。曾何是地。

設若是地。是娑婆地。即非華藏。故今通云。乃有二

意。一以本該末。謂舉華藏總該利網。故二十重皆

華藏內。况第十。又染淨融故。雖標摩竭。而地震華

藏。二以佛神力。一句動因中。就主顯勝。但明佛力。

感應道交。亦由物機。然汎明動因。總有其十。今當

轉法輪。亦兼成道。餘如別章。餘如別章者。即教義

長阿含第二云。有八因緣。一。大水動時。動。二。尊神

試力時。動。三。如來入胎時。動。四。出胎時。動。五。成道時。動。六。轉

法輪。七。息教。八。涅槃時。九。依增。一。二。十八。更加大

神。足。比丘。心得自在。乃至觀地。無相。故令地動。十

智論云。授菩薩記。當於此界作。三其地下動相者。

佛之時。地神喜故。所以動也。

震卽是聲。動卽是形。聲兼吼擊。形兼起踊。故有六種。此六各三成十八相。搖颺不安爲動。自下漸高爲起。忽然騰舉爲踊。隱隱出聲爲震。雄聲郁遏爲吼。砰磕發響爲擊。十八相者。唯一方動。直爾名動。四方若次第。若一時動者。名爲徧動。若八方次第。或一時動。名普徧動。又四方。八方。十方。如次名三相動。又一方獨動。十方次第動。十方同時動。又爲三相。餘五例之。然動何所爲。依勝思惟梵天經。所爲有七。一。令諸魔怖故。二。爲說法時大衆心不散亂故。三。令放逸者生覺知故。四。令衆生知法相故。

五令衆生觀說法處故。六令成熟者得解脫故。七令隨順問正義故。此上七緣。正是今經所爲地。論有四。非當此文。上約外器。若心地。聖賢地。法性地。亦有震動等義。可以虛求。

○二興供

此諸世王。一皆現不思議諸供養雲。雨於如來道場。衆海所謂一切香華莊嚴雲。一切摩尼妙飾雲。一切寶燄華網雲。無邊種類摩尼寶圓光雲。一切衆色寶真珠藏雲。一切寶栴檀香雲。一切寶蓋雲。清淨妙聲摩尼王雲。日光摩尼瓔珞輪雲。一切寶光明藏雲。

一切各別莊嚴具雲。如是等諸供養雲。其數無量。不可思議。此諸世王。一一皆現。如是供養雲。雨於如來道場衆海。靡不周徧。

疏文三。一標數。同生之衆。亦得稱王。爲物依故。二所謂下。畧列。三此諸下。結徧。已上天地徵祥竟。

○大科第十結通無盡

如此世界中。一一世王。心生歡喜。如是供養。其華藏莊嚴世界海中。一切世界所有世王。悉亦如是而爲供養。其一切世界中。悉有如來坐於道場。一一世王。各各信解。各各所緣。各各三昧方便門。各各修習助。

道法各各成就。各各歡喜。各各趣入。各各悟解諸法門。各各入如來神通境界。各各入如來力境界。各各入如來解脫門。如於此華藏世界海。十方盡法界。虚空界。一切世界海中。悉亦如是。

〔疏〕文分有二。一結華藏內。二結華藏外。前中亦二。先舉此界。二其華藏下。類華藏中一切世界。於中三初類衆海興供。一切世界者。謂華藏中有十不可說佛刹微塵數世界種。一一種中。各有不可說不可說佛刹微塵數世界。彼等一切諸世界中。悉有世主而爲供養。二其一切下。類佛坐道場。然有

二義。一彼諸世王各供當處之佛。二彼諸世王亦供此佛。此佛亦坐彼界道場。三一一下。類結大衆得法於中有十一句。爲聞法得益。得益有三。一聞益。各各信解故。謂信其言而解其義。二思益。謂於所對審緣慮故。三修益。修益有七。一修門。謂三昧方便故。二修法。謂資糧助道故。三修果。契理成就故。四修益。隨有所得。成法喜故。五修轉。各各趣入無量乘門。及衆生界故。六修同。悟解法門。合先聖故。七修極。修極有三。一大悲極。入佛神通境。入佛神通境。但爲益生故。此成恩德。一大智極。入佛力

境如來力境悲智超絕無能及故成佛智德。二自在極入如來解脫門。盡一切障。心境自在。成佛斷德。亦卽是前諸解脫門。二如於此下。結華藏外。謂以華藏例於法界。各有此會。同爲一大法界會。方是華嚴無盡說耳。上來十段總明教起因緣分

竟

〔論〕從爾時華藏莊嚴世界海已下。有二十一行經。明動地興供。於此一段經文。其意有七。一明舉世界之名。二推佛神力。地六震動。三世主興供。歡喜。四明以此例同多土。五明佛徧興於世。六明世主

各隨自解。七。明法會興供。普同十方。問曰。何爲地動。答曰。其地動。大意有五。一。此會大衆得道。二。智人出現。三。智人去世。四。世間災變。五。得道歡悅。此明大衆獲益歡悅。故地動。推佛神力者。明師弟之敬。推德於上。問曰。何故於此段中地動興供。答曰。爲至此中一段。明初會中常隨佛衆。當境之內。神天衆。及如來座內。古今諸佛同因衆。菩提樹內。流光衆。并如來宮殿內。大悲衆。如是當佛自衆來集。復得益。及賀佛出興。衆心喜動。地亦隨動。故此明初會當境之內。大集一終。然後面門放光。普集他

土亦來此會。此是無自他中他也。以明化儀王伴。此乃龍行雲應。法事合然。爲化衆生。軌模如是。以真法性。塵刹普周。一刹那之中。三世同際。還以一年多相容不同門。該括如是。放光集衆。意令知佛境界。相參無二。已上是初成正覺。顯示五位行門。一終因果。此一部之經。總有六重因果。一從世王妙嚴品。及至華藏世界品。五品經。明初成正覺。顯示五位行門報得。及示現入法一重因果。二毘盧遮那品。是古佛因果。引古證今。明佛佛相襲。道不虛來。三第二會普光殿。顯示十信因果。四從須彌之

頂。直至離世間品。顯菩薩證修因果。五入法界品。明古今本法不思議因果。此是一切諸佛其所乘宗。爲一切佛之本體。衆生同具。只爲迷之。六覺城東會。明顯示菩薩利生行門。善知識攝生形狀。法則進修因果。若但說其法。在行猶迷。此經前後六度。總舉解行證修因果。令使啓蒙易解。不滯其功。

世王妙嚴品竟

大方廣佛華嚴經疏論纂要卷第十一

壽寧縣沙潭弟子楊大吉法名興謙捐
貲刊刻
華嚴經世王妙嚴品疏論纂要第十一
卷伏願資人天之勝福建菩提之正因
雙親俱獲超升一門同增福算
康熙庚申年五月
華藏室謹題

劉及先
顧汝登
全刊